

Naalackersuinikkut sulinermut aningaasatigut tapiissuteqartarneq pillugu Inatsisartut inatsisaata allanngortinneqarnerannik Inatsisartut inatsisissaattut siunnersuut

pillugu

Inatsisit atortinneqarnerannut ataatsimiititaliaata

ISUMALIUTISSIISUTAA

Inatsisissatut siunnersuutip aappassaaneerreqarnissaanut tunniunneqartoq

Inatsisit atortinneqarnerannut ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Harald Bianco, Inuit Ataqtigiit
Inatsisartunut ilaasortaq Isak Hammond, Inuit Ataqtigiit
Inatsisartunut ilaasortaq Aleqa Hammond, Siumut
Inatsisartunut ilaasortaq Justus Hansen, Demokraatit

Inatsisit atortinneqarnerannut ataatsimiititaliap, Inatsisartut UKA 2009-imi siullermeerinnereermata inatsisissatut siunnersuut pineqartoq misissuataarsimavaa.

Inatsisissatut siunnersuut ilaatigut kattuffinnut naalackersuinikkut suliaqartunut pisortaniit tapiiffigineqartartut inatsisitigut toqqammavissalimmik sinaakkusiisarnerup aalajangersimasumik toqqammavilimmik pilersinneqaqqinnissaa, ilaatigullu pisortanit tapiiffigineqartarnerup ersarinnerulernissaanik, tapiissuteqartarnermut tamat oqartussaaqataanerinut atatillugu eqqortuutinneqarnissaa aallaaviummat siunertarineqartoq Ataatsimiititaliamit paasineqarpoq.

Inatsisissatut siunnersuutip *ersarilluinnartumik* naqissusiinera eqqarsaatigalugu, pisortatigoortumik tapiissutit suungaluartulluunniit partiit ingerlanneqarnerannut tunniunneqartartut – toqqaannartumik toqqaannangikkaluamilluunniit – inatsisinik toqqammaveqarnissamik piumasaaqatitaqarnerat Ataatsimiititaliamit paasineqarpoq. Ukiuni kingullerni annertungaatsiartumik aningaasatigut toqqaannangikkaluamik tapersiissutit Inatsisartuniit partiinut tunniunneqartartut, matuma kingorna unitsinneqartariaqassapput. Taamaattumik partiit ajornerusumik inissisimalernissaat pinngitsoortinniarlugu, toqqaannartumik partiinut tapiissutip (inatsisitigut toqqammavissallip) qaffanneqarneratigut tamanna taarteqartinneqassaaq. Taamatut qaaffaaneq taamalilluni ukiuni kingullerni toqqaannangikkaluamik partiinut tapiissutigineqartarsimasut konto-ini pineqartuni appaanikkut nalimmassarneqassaaq. Taamaalilluni siunnersuut akuersissutigineqassappat 2010-imut aningaasanut inatsisissatut siunnersuummut allannguutissatut siunnersuummik saqqummiussisoqassaaq.

Taamaalilluni siunnersuut missingersuusiornermut sunniuteqartussaangitsoq
Ataatsimiititaliamit paasineqarpoq.

Inatsisissatut siunnersuut pineqartoq Suleriaaseq pillugu atatsimiititaliap isumaqatigiittup
saqqummiutarigaa aammattaaq ataatsimiititaliap paasivaa.

Siunnersuummi saqqummiunneqartumi tunuliaqutaasut pingaarnerit aallaavigalugit
Ataatsimiititaliaq tamakkiisumik tapersiisinnaavoq.

Naatsorsuinermi toqqammavigisat kiisalu agguataarineq

Allanguinerup kingunerissavaa, 3.145.000 kr.-it konto pingaarnermiit 01.10.10-imit
Inatsisartut, konto pingaarnermut 01.06.11-imit Naalakkersuinnikkut sulinermut
anigaasatigut tapiissuteqartarneq nuunneqassasut.

Anigaasat 2005-imiit 2008¹-imut toqqaannangikkaluartumik partiinut tapiissutaasartut
anigaasartuutit piviusut toqqammavigalugit naatsorsorneqarsimapput (taamaattorli 2009²-
imut anigaasanut inatsisissap isumaqatigiiniutigineqarnerani Inatsisartut peqquneranik
kinguneqartumik sipaarutissat ilangaatsiarsuinik ilanngarneqartunik). Taamaalilluni
allanguinermit ataatsimut isigalugu partiit iluanaaruteqarnissaat imaluunniit
ajunaaruteqarnissaat qulakkeerneqassaaq.

Anigaasat partiit, kattusseqatigiit kiisalu inatsisartunut ilaasortat inuttut ataasiakkaatut
qinigaasimasut akornanni toqqammaviusutut tapiissutit kr. 350.000,-inik qaffanneqarnerasigut
agguataarneqassappu, (maannakkuugallartoq katillugit 5 x 350.000 = 1.750.000 kr.) kiisalu
ilaasortanut ataasiakkaanut tapiissutit kr. 45.000,-inik qaffanneqarneratigut (katillugit 31 x
45.000 = 1.395.000 kr).

Attaviitsunut partiiniit imaluunniit kattusseqatigiinniit anisimasunut tapiissut 125.000-imiit
170.000 kr.-inut qaffanneqassaaq. (Attaviitsut partiiniit imaluunniit kattusseqatigiinniit
anisimasut toqqammaviusumik tapiissutinik suli tunineqarsinnaangillat. Inatsisartut
inatsisaata kingullermik allannngortinneqarneranut oqaaseqaatini ilaasortat imaluunniit
naalakkersuinnikkut suleqatigiikkuutaat attaviitsunngornermikkut anigaasanik
iluanaaruteqarnissamut ussarnartorsiornissaat matumuuna pinngitsoortinniarlugu
anguniagaavoq).

Ilaasortat	Inatsisissatut siunnersuuttip akuerineqarneratigut
-------------------	---

¹ Piffissami pisimasumi anigaasartuutit amerleriarnerat eqqarsaatigalugu agguaqatigiissitsinermut
qanillisaanikut naatsorsorneqarpoq.

² Nioqqutissanut pisiniarnermut, sullissinermut, attartornermut akiliutinut, pisiortornermut, ingerlatsinermut,
iluarsartuussinermut kiisalu aserfallattaalinermut anigaasartuutiniit 10 %-imik ilanngarneqarsimapput.
Akerlianilli anigaasarsianut akissaajaatit ikililerneqanngillat.

amerlassusaat	partiitut tapiissutit	
1	650.000 + 170.000	= 820.000
2	650.000 + 340.000	= 990.000
3	650.000 + 510.000	= 1.160.000
4	650.000 + 680.000	= 1.330.000
5	650.000 + 850.000	= 1.500.000
6	650.000 + 1.020.000	= 1.670.000
7	650.000 + 1.190.000	= 1.840.000
8	650.000 + 1.360.000	= 2.010.000
9	650.000 + 1.530.000	= 2.180.000
10	650.000 + 1.700.000	= 2.350.000
11	650.000 + 1.870.000	= 2.520.000
12	650.000 + 2.040.000	= 2.690.000
13	650.000 + 2.210.000	= 2.860.000
14	650.000 + 2.380.000	= 3.030.000
15	650.000 + 2.550.000	= 3.200.000

Inatsisip allangortinneqarnerata kingorna naalackersuinikkut sulinermut tapiissutit katillugit ima amerlatigilerput **8.520.00 kr.** maannakkut Inatsisartuni katitigaaneq naapertorlugu: (5x 650.000) + (31x170.000).

Toqqammaviumik tapiissutit kiisalu ilasortanut ataasiakkaanut tapissutit Inatsisartuni sulinermut partiit aalajangersimasumik allangorartumillu aningaasatuutaasa nalilersorneqarneri toqqamavigalugit aningaasaliissutissat nunneqartut agguanneqarsimapput:

Akissajaatit ilarparujussui Inatsisartuni naalackersuinikkut sulinermut attuumassutillit partiitut mikinernut anginernullu assigiipput. Assersuutigalugu suliarinninnermut, nutserinnermut kiisalu oqaaseqartitat saqqummiussassaasa naqiterneqarnerannut akissajaatit atuupput.

Akissajaatit allat, soorlu assersuutigalugu suliarinninnermut, nutserinnermut ilaasortallu siunnersuutaasa naqiterneqarnerannut kiisalu § 36-i atorlugu apeqqutinut, partiit ilaasortaataat aallaavigalugit akissajaatit allangorasinnaapput.

Inatsisit atortinneqarnerannut ataatsimiititaliap isumaqatigiittup, toqqammaviumik tapiissutit kiisalu ilaasortanut ataasiakkaanut tapiissutit akornanni aningaasaliissutinik agguataarinninneq siunnersuutigineqartoq akuersaarnartutut isigaat.

Paasisassarsiorluni angalanernut aaqqissuussineq pillugu siullermeerinninnermi saqqummiunneqartumut kissaatigineqartutut ataatsimiititaliap soqutiginninnera naggataatigut Inatsisit atortinneqarnerannut ataatsimiititaliap maluginiarpa. Taamaattumik ataatsimiititaliap Suleriaaseq pillugu ataatsimiititaliaq kaammattussavaa ajornartorsiut taanna aningaasarsiaqartitsinnermut inatsisip allangortinneqaratarsinnaanera siunertaralugu qaqissinnaaneraa eqqarsaatigeqqullugu.

Inassuteqaat

Ataatsimiitaliap isumaqatigiittup **inassutigaa** Inatsisissatut siunnersuut ilusimisut akuersissutigineqassasoq.

Taama oqaaseqaateqarluni Inatsisit atortinneqarnerannut ataatsimiitaliap siunnersuut aappassaaniigassanngortippaa.

Harald Bianco,
Siulittaasoq
Inuit Ataqatigiit

Isak Hammond
Inuit Ataqatigiit

Aleqa Hammond
Siumut

Justus Hansen
Demokraatit